

5563.9
2131
v.1

復齋集

BERKELEY
LIBRARY
UNIVERSITY OF
CALIFORNIA

Carpentier

復齋集序

懷州魏斯文啓琰有遺詩文若干卷簽曰復齋集胤子璟
奎欲梓行于世遽遊岱而未果焉孫男鍾敦將附手氏以
卒先志介宋小波明會而徵予語小波之言曰斯文天分
慧朗早治功令而奕奕有聲累試累屈於有司則不躡棘
圍一步遂摳衣於宋淵齋崔勉菴兩賢之門獲聞爲學要
設手不釋程朱書早孳々惕磨礱成就及世道板蕩萬變
層生而兩賢亦次第殉國矣斯文益無意於世但與同志
幾人吟咏於山椒水涯其悲憤慷慨之意一鬱不平之氣
一寓於詩歌以終其年無往非皋羽之哭而子山之哀也

南方學者慕其風節至于今公誦不衰子爲之評臚而發
揮之使志干不泯幸莫大焉昔者不佞爲魏尚書桓楹之
文知其忠勳傳世又聞斯文講明義理不墜家聲曷不懿
歟孟子曰誦其詩讀其書不知其人可乎今予於斯文誦
詩讀書而知其人焉則不腆之文固不可靳也然斯文則
剛大之氣充養有素故發於言者霜雪可凌金石可透其
觀化已久而紙面尚凜凜然有生氣余則百劫之餘萬念
灰冷厭厭若螭蜎之爲人蕪詞之脫筆者無異唧唧之音
發於蚯蚓之竅吾已自朽矣何暇不朽人乎哉雖然一片
冰壺炯然相照且其肖孫善述先業不能無感于中焉故

力疾書此于省簡焉

歲戊子春三月甲申安東金甯漢序



復齋集目錄

卷之一

詩

饑春

迎夏

偶吟

赴淵谷院講會

次族弟啓學韻

次鵲巢韻

南浦途中

贈別金潤珪金永邦

謹次奇松沙

字萬

三山齋九曲韻

謹次高山九曲韻

陪淵齋宋先生登天冠山

與文友守鎬同被橫禍憤頭口呼

次望美亭韻

次人遊金剛山韻

次金君允彥

次吉市隱元杓韻

黃菊

訪白友奉欽

燈

卽事三首

登修仁山城

泊桂樹汀

抱孫吟

漫筆

春睡二首

卽事二首

桃花

偶吟

詠歸亭十景

詠歸亭九曲

九曲歌

風乎臺

浴乎巖

九曲橋

上勉菴崔先生

益鉉

謹次金止雲文

擎鉉

回香韻

代家君作

次李倅

容泰

晬宴韻

明倫堂同諸益吟

重修披香閣成會講于明倫堂

聞本坊設講修約有吟

自號復齋詩以識之

詠歸亭原韻

詠歸亭韻

詠歸亭楹聯

詠歸亭珠聯

思亭

次金清石翁

錫基

自挽韻

次林氏種德齋韻

記晴

次同樂亭韻

在坡州李博士學魯所築

次金小柏

基權

回甲韻

聞勉庵先生被拘入對馬島感憤而作

有歎

謹次茶山壇講會韻

次金葛天翁

潛鉉

韻

送咸興宗人

鍾高

北歸

儒達山

次族姪重窩

洪良

閏七月生朝韻

謹次先考遜庵公詠爐韻

題鳳德齋

在丹山

和平近堂講會諸友

與李中軍同吟

移藏老峯閔先生文集板于淵谷院

與三從兄金溪

啓漢

月谷

啓米

訥軒

啓奉

唱酬四

首

除夜與金丈

潤珪

韓丈

哲灝

唱酬于冬栢亭

歲初又與諸公遊屏澗亭

陪三從兄訥軒

啓奉

謾吟二首

丹山齋與友人吟二首

三從兄丹溪

啓玄

宅同文中峯

郁潜

唱酬

映山紅

和友人二首

悅樂齋和鄭驥鉉二首

牡丹花

怪石

饒春

鄭斗峯

並庄唱和

迎夏

肇夏

太極峯

舍弟晚悟庄同族姪世良晟奎及丁如郁拈韻

鳳儀齋和文仁淑

次仲弟

啓燁

晚悟堂韻

卽事

春霖

白鷺

喜晴

麥浪

偶吟

養蠶

惜春

盤松

次族叔弘毅齋

棒植

見寄韻

次眼鏡韻

次家蜂韻

與金允中共吟

訪李鳳谷

載升

於鳳林次諸少友韻

同友人吟

次文丈

聖三

韻

次金丈

五益

可菴韻

末庚日富春亭追暑

偶吟

次兒曹韻

寶林寺

賞龍湖水石

淵谷院重成和多士韻三首

次李中協植杏韻

李為退溪先生後孫植杏於隴雲精舍卽先生講學之所

攤戲

次族姪

奉良農軒韻

次文友

貞源慎巖韻

賞楓二首

猫

火爐

夜吟

次宣林圃

永祺韻

詠燈

次林里篁齋韻

次光山金氏永慕齋原韻

和曹京化

與三從兄金溪訥軒及曹京化唱酬

月川白場韻

俯溪堂滯雨四首

苦霖

偶成

示舍弟稚德

啓濤

批塾兒詩步其韻二首

鑿古井

并小序

憎蒼蠅

撥悶

寶劍

次南宮聞三回甲韻

落照

贈別宗人

鴻權

月川院講會

次劉孝子

東竣

農巖韻

次楓庵先生思君亭韻

次族兄

啓忠

雲水堂韻

詠歸亭唱酬

次李蓮史

鼎根

蓮堂原韻

示長兒璟奎

示次兒憲奎

贈叔弟稚王

啓琤

贈季弟汝會

啓來

安月山

漱煥

庄小集

金貞軒

漢信

庄春暮雅集

聞義士梁

海心

遇害憤痛有作

詠歸亭和李秉遠

族弟鳳岡

啓來

見訪

示族姪明奎

鄭芝山

達鉉

見訪

挽文公

基德○代家君作

挽金公

琬

族叔春坡翁

瑾植

挽二絕

挽李公士中

勉庵崔先生挽

挽尹滋銘

挽文公必銘

挽文基奉

挽姜監役弼永

挽高光益

挽文公國采

挽安公時崇

挽盧公有正

挽文奭采

挽鄭公永一

挽李洙祿

挽朴公致慶

挽金司果永祿

挽白公永直○代舍第啓來作

挽李公碩雨

挽馬公鍾淑

挽金公之鉉

挽李性中

挽姜公仁譽

挽金承旨冰豐

挽姨兄曹致承

內舅淵窩金公彥挽

誄辭

戚兄文中峯郁浩誄辭

金進士學善誄辭

文采鉉誄辭

代從弟啓瑛松亭文瑩默誄辭

族丈詰祚誄辭
任德五誄辭

李學隱華鉉誄辭
族丈梧軒道一誄辭

三從姪晟奎誄辭代舍弟啓來作

稼圃文公 五潤 誄辭

李碩兩誄辭 代家兒憲奎作

文振浩誄辭 代舍弟啓燁作

文景初誄辭 族弟啓善誄辭

卷之二

書

上勉菴崔先生 上奇松沙 字萬

上李按効使 容泰 上李參政

上閔判書 冰韶 上李議政 根命

上徐承旨 相勛 上徐判書 二



上宋倅 ○補老

上閔倅 致駁

上族兄春軒 啓泮

與崔上舍 永尚

與崔參奉 永祚

答李校理 ○種文

與徐石齋 丙五

答李博士 ○學魯

與閔承旨 忠植

與白六有齋 ○永直

答李鳳谷 戴升

與尹訥窩 ○滋鉉

與金道卿 漢教

答李鍾霖

與奇元庸

與李敬珍 ○教根

與文仁叔

答金忠汝 漢信

答李斗永

答古邑宗中

答姜士性

與李致慶
○三 泚 熈

與李德洪

○相 二三

與族弟昌汝
啓文

與白明仲

○良 寅 二

與魏乃範
鴻 權

與金正良

基 權

與族弟和卿
啓芳

與族弟雲汝

啓 龍

與安吉重

與李允亨

碩 雨

答李鼎根

答高定欽

與李戚聖雲
德 明

答曹明裕

東 承

魏匡補金贊榮

王 慶

答李亨魯

敦 根

寄長兒璟奎



復齋集卷之一

詩

饑春

相逢樽酒樂餘春
竹過南隣與北隣
如經此夜花應盡
手拾殘紅更挽人

迎夏

春夏相交草綠天
南風陣陣攬閒眠
停杯起聽黃鸝語
萬樹成陰樓似船

偶吟

一片青邱落海東
素稱文物可侔中
休歎世路狂塵起
自

有乾坤太古風

赴淵谷院講會

俎豆壇香舊龍蛇
御墨新絃歌猶未絕
疑我魯城人

次族弟啓學韻

感君乳失怙五十慕斯堂
錫胤知由孝慎終應倍傷

次鵲巢韻

巢居囊不處羽末異毛錐
木構非沙伏奚憂狙擊椎

南浦途中

海上青山四望同
蒼嵐滴滴引風微
女郎採蛤乘船入汶
水初生返照紅

贈別金潤珪金永邦

碁罷爲詩詩罷歌篆煙細纈動簾波此時正欲看花去底
意天公兩戲多

謹次奇松沙

字萬

三山齋九曲韻

天作三山地秘靈千年畱待主人清武夷曲曲應如此夏
聽棹歌當日聲

一曲才容一葉船潺流不息乃成川箇中滾入多奇絕若
涉蓬瀛斷火煙

二曲崔嵬保道峯故教雲靄護眞容躋攀努力行將到去
去休辭路萬重

三曲源頭可放船和風玉洞日如年白雲紅樹眞佳境
偃真途患更憐

四曲俯臨青石巖愧余白髮更毵毵卽看秋月明如鏡
障得狂瀾淨玉潭

五曲清幽洞更深生生羣物自林林採薇歌斷西山暮
恐負當年叩馬心

六曲羣峯拱一壑愛聽禽語樂相關怡然講得春秋義
靜裏誰知養性閒

七曲清泉自作灘狂瀾不向此中看異時放海誰能識
混沌長沉日夜寒

八曲降仙臺自開靈源深處路盤回攀厓緣石多奇觀不
枉遊人努力來

九曲行歌氣浩然青山盡處又平川羣生活潑從何見魚
躍鳬飛自樂天

謹次高山九曲歌

地從人好特鍾靈想得先生道味清武夷九曲高山在不
盡源流尚有聲

右和亢菴宋先生

一曲冠巖俯釣船朝陽恰好暎平川遊人風浴歸來晚盡
裏羣山斂夕煙

右和文谷金先生

二曲花巖簇簇峯千紅萬紫冶春容漁舟逐水無尋處不

識仙源路幾重

右和霽月堂

三曲蒼屏映客船
陰陰綠樹日如年
松風滿地無炎熱
界回頭更可憐

右和文巖鄭相國

四曲松崖百尺巖
日移槐影更毵毵
林泉奇絕無過此
步還忘月滿潭

右和睡村

五曲隱屏雲氣濃
數茅精舍傍溪林
無絃古調松風在
誰識峨洋箇裏心

右和雲谷金先生

六曲漣漪水一灣
蒼蒼月色入松關
人魚相忘誰知樂
活潑天機各自閒

右和三淵金先生

七曲楓巖俯碧灘
微霜初染要人看
坐憐錦繡千機錯
盡

日西風不覺寒

右和遂庵權先生

八曲琴灘洞府開
清宵操縵滌溪回
一聲古調無人和
獨坐溪林待月來

右和芝村

九曲文山正鬱然
參差螺黛倒前川
遊人不到雲深處
那識斯間別有天

右和鳳谷

陪淵齋宋先生登天冠山

巖巖冠岳鎮南邊
蒼翠相連尺五天
羣山簇簇皆如拱
會見先生道眼圓

與文友守鎬同被橫禍憤頭口呼

我非昔我君非君
却怕看同鳥獸羣
辜負全歸曾子戒
雖

存喘息豈生云

次望美亭韻

云誰之望斯亭築歲暮孤枕倚斗秋採苓一畝西山暮其
奈江湖遠處憂

次入遊金剛山韻

飽聞勝狀未曾見嗟我衰年蟄病身憑君領略難名景萬
二千峯耳更新

次金君允彥

修道何難性率天真工不息證流川如君才質須勤學達
海前程不幾年

次吉市隱

元杓韻

元來大隱隱於市不見囂塵染此亭多財損志前修戒衆
醉何妨獨自醒

黃菊

搖落羣芳無與隣疎枝冷蘂自鮮新風霜不奪高孤節老
圃秋容獨保真

訪白友

奉欽

崑然石室向南開步步緣崖踏雪來幽人不盡山陰興繫
得扁舟更上臺

燈



引在房中映在門丹心一片破黃昏十年同苦還無賴寒
樹生花且莫言

卽事三首

雪意和雲暗四郊六花飛出萬林梢春歸夏至還如昨歲
序居然十月交

學到眞工可謂豪山從一簣竟成高試看不息源泉水萬
里同歸大海濤

智者濶藏愚者豪乾坤還似一枰高有誰乘此長風去障
得狂瀾萬里濤

登修仁山城

巖巖絕壁百層高
白首登臨氣轉豪
靜裏絃琴何處至
一山強半是松濤

泊桂樹汀

扁舟來泊水邊家
滿地香泥是落花
帶雨春潮沉短岸
更將醉興放詩歌

抱孫吟

乃祖癡心尚乳兒
憐渠岐嶷出凡姿
異時判有家聲繼
天理循環定可知

漫筆

生而迂拙稍知文
常伴毛生與墨君
寫得箇中無盡景
一

川明月萬山雲

春睡二首

春睡方濃月在門
塊然支枕靜無言
朝來始覺前宵雨
笑指簷鈴落地痕

炊煙朝起掩柴門
未了詩談和睡言
慵起書牕暎日出
衰眸頻拭霧花痕

卽事二首

東風捲地尚餘寒
自是幽人夢未圓
况復夜深明月晚
呼兒時向碧梧看

峽雨未晴春尚寒
柳陰薄薄不成團
待他滿地東風煖
萬

紫千紅次第看

桃花

一樹桃花種在庭
天天灼灼後吾亭
紫姑織得千機繡
出東君富艷形

偶吟

崎嶇世路亂西東
誰闢薰蕕踏正中
也識指南經傳在
未應愁雨復愁風

詠歸亭十景

午睡支離抵暮鍾
蒼蒼落日掛西峯
吾亭自在東山下
剩得林端返照濃

右斗輪落照

一樹梧桐種屋西
初心非止鳳來棲
轆峯霽月參差影
能使吾亭價不低

右轆峯霽月

晡醉昏昏半晌眠
丹山村外起炊煙
家家麥飯高於卓
歡笑方知大有年

右丹山炊煙

飛花點點耀長川
非燐非螢走眩然
十數江南江北戶
無人不解荻松燃

右清沼漁火

昨夜江南雨一犁
早秧才了晚秧遲
老人歌歇童謠作
想見康衢擊壤時

右竹磴農歌

亭亭落日掛西山
短葉長蔥也自閒
不識兩肩樵擔重
三五五犯昏還

右桐幕樵笛

穹隆磅礴馬巖奇巖下長風盡日吹乃知待價增三倍伯
樂如何一顧遲

右馬巖清風

霽後甌峯畫境同非煙非霧淡青紅也知孤鷺齊飛處片
片層霞落晚風

右甌峯落霞

行人問酒市橋東挾路家家一樣同少婦當爐時喚客風
旗青拂杏花紅

右江市酒旗

修仁山勢極巖巖下界誰知上有庵雲裏寒鍾朝暮落知
應飯鉢衆僧咸

右山寺飯鍾

詠歸亭九曲

千秋欽仰武夷靈未涖眞源但挹清恨煞晦翁今不作共

誰閒聽棹歌聲

一曲無由可進船不知何處是長川
顧瞻萬壑千巖裏半是沉雲半是煙

二曲巉巖處處峯竿頭一步定難容
縱橫岐路東西在獨坐彷徨意萬重

三曲溪邊泊小船愁風愁雨幾多年
阿誰導我迷津筏滿地狂瀾更可憐

四曲參雲矗矗巖千年苔髮碧甃甃
箇中知有清幽景佇待中宵月滿潭

五曲行行路轉濶濛濛煙雨鎖千林
且須努力躋攀去照

後方能遂此心

六曲無緣滌碧灣此身渾似隔重關君看今古尋真客不
在於忙只在閒

七曲扁舟滌上灘中流泛泛幾回看世間多少先登者不
怕斜風特地寒

八曲登登路欲開攀崖穿石百千回也知佳景無窮在悔
不當年早上來

九曲曾襟自豁然風煙無限好山川鳬魚活潑終如許或
躍于淵或戾天

九曲歌

一唱夫子猗蘭操幽谷清香風肆好聖遠言堙可奈何荆
綦埋沒無人掃

二唱顏子陋巷琴簞瓢自樂守初心如今古操誰能識千
載寥寥少賞音

三唱曾點鏗然瑟童五六人冠六七沂水舞雩今寂寥詠
歸風浴知何日

四唱孺子滄浪歌小子記之箴戒多濯足濯纓皆自取斯
清斯濁視如何

五唱淵明無絃曲牕北清風高睡足假使有絃無賞音千
年古操誰能續

六唱濂溪太極說兩儀四象誰分別陰陽動靜互為根一
理推來疑自波

七唱程子花柳樂風輕雲淡穿長屨後人不復尋真源濂
洛千年空寂寞

八唱邵子清夜吟一般意味少知音每當月到風來處想
見先生坐整衿

九唱朱子武夷歌曲曲山高未易過寄語遊人須努力前
程奇絕箇中多

風乎臺

奇巖磅礴自為臺臺下清風亦快哉時與冠童聯袂立傍

人錯道點狂來

浴乎巖

嘉名肇錫浴乎巖天琢初年也不凡恐有塵俗終穢此冠
童且莫振衣衫

九曲橋

九曲溪邊百尺橋往來日夕共漁樵那能化作迷津筏導
得人無病涉朝

上勉庵崔先生

孟鉉

宗仰多年拜始今隱居龜洞洞天深溫和不接物春風煖洞
澈無塵水月心希音自得甕壇瑟古調誰知陋巷琴微陽

賴復昏衢裏導我羣蒙正路尋

謹次金止雲文

擎鉉

回香韻

代家君作

偕老重看始吾年孫斟子獻共牢筵紅繩佳約還如夢黃
耆無疆不遠仙燭掛東房花再發星回南極影雙圓人間
七七尤稀慶合作新圖永世傳

次李倅

容泰

晬宴韻

簿牒多閒政閣清晬辰速客見真情憂民部屋恩皆洽奉
老萱堂喜夏生灑灑杯樽豐後釀洋洋絃誦化中聲爲公
先祝吾 皇壽同樂虞韶奏九成

明倫堂同諸益吟

霖雨初晴野色黃東齋一會破南荒歲功四序三分去吾
道千年一度張君是良金爐外躍儂非美玉櫝中藏魯城
絃誦今猶在却喜窮陰見線陽

重修披香閣成會講于明倫堂

天教南國一和鳴吾道千年晦復明冠帶相追名下士絃
歌爭起化中城古壇杏樹春心煖東閣梅花雪興清鹿洞
遺規今復覩重修香閣賀新成

聞本坊設講修約有吟

叔世難尋道脈真吾坊文物庶彬彬登堦習禮時維夏設
席行杯氣似春陰極生陽微線動晦餘得月半輪新諄諄

禮俗相交地似在藍田呂氏隣

自號復齋詩以識之

扁齋曰復養吾真一線微陽暗動春只恨羣芳摧已盡那
知碩果報將新每從乾惕粗窺學豈以謙勞罕接人整衿
端坐常開卷持敬工夫未發晨

詠歸亭原韻

古有思亭今此亭悠然瞻望待精靈山水呈妍天作地松
篁交翠石開庭講帳宵懸多得月禮筵時設會如星同吾
卯弁風而詠灑落曾襟自喚醒

詠歸亭韻

後集卷之一
幽居自署詠歸亭祇合殘年養性靈
花氣鎮春常襲檻松陰終日不移庭
地偏枉擬圖南鳥天近思追拱北星
風浴零壇千載後至今鏗瑟喚人醒

詠歸亭楹聯

萬壑松楸先壠近
四隣花樹古家多
六七同歸沂水浴
兩三閒聽武夷歌
尖削峯容戈倒插
平開湖色鏡新磨
琴書栗里追徵士
觴詠蘭亭倣永和

詠歸亭珠聯

遜翁清德雲山屹
曾氏遺風歲月多
時設禮筵頻飲射
宵懸講帳每磨礪
雅韻若聽舞壇瑟
古曲如聞沂水歌
同我

冠童歸詠日蘭簪蕙佩襲春和

思亭

遜庵清德水長山峨孝友承世勤儉克家
立石追慕築亭瞻望遺謨歌詠子孫永昌

次金清石翁

錫基

自挽韻

居巷安貧志不窮超然豈與俗人同琴碁到老無閒日詩
禮傳家有古風夢覺南柯雙鬢白身依北斗片心紅石似
其清經劫在誰知美玉在塵中

次林氏種德齋韻

林氏林林德是基芝蘭瑤珥各呈奇猶存碩果期他日夏



後集卷之一
灌新萌引小池春在冬根能自晦陰生夏葉不曾移爪膚
搖本君須戒椒實盈升定可期

記晴

小雨新晴夕照紅詩心不語對蒼空庭梅始綻春無恙畦
麥方抽雨有功翻覆殘枰迷黑白縱橫岐路亂西東漫漫
長夜渾如夢誰是惺惺作主翁

次同樂亭韻

在坡州李博士學魯所築

樂我來朋同此亭人人皆醉獨能醒詩禮春秋開帳墨絃
歌朝暮聚衿青爲供賓客躬煎茗擬教兒孫手抄經源發
蘄溪汶上活滄浪古調至今聽

次金小栢基權回甲韻

重見生年月日時弧門照耀瑞暉遲壽杯香滿瑤琴室舞
袖光騰寶樹枝自說劬勞無地報能行慈孝有天知不須
更唱南飛曲和氣融融盡入詩

聞勉菴先生被拘入對馬島感憤而作

養勇誰知在養真擬將一劍掃腥塵憂時白髮因無寐報
國丹心不有身止竟被禽威益壯平生敵愾義猶新讎邦
一粒羞忠腹應笑蘇郎蓄雪晨

有歎

東方文物擬中州列聖相承五百秋千古綱常長不墜

四時絃誦暫無休
桑田碧海驚魂劫
權域青山極目愁
安得島夷殲滅盡
邦羞快湔漢江流

謹次茶山壇講會韻

享院侑壇人所欽
剡靈恍若日星臨
當年化雨時沾野
百世祥雲遠出岑
仰止泰恒文望重
涖洄濂洛道源深
年年俎豆趨蹌地
冰月長川洞照心

次金葛天翁

潛鉉韻

葛天處士久忘機
不向人間較是非
池閣遊魚相忘樂
庭閒睡鶴不驚飛
醉如陶令宜栽柳
餓似夷賢欲採薇
我亦江湖淪落者
微君其孰與同歸

送咸興宗人

鍾高

北歸

千里安知有此尋眼中花樹欲森森逢初已合派流勢話
久無分南北音世守青氈貽後計遠來白髮慕先心兩興
長有咸亨理不恨當年未接隣

儒達山

鎮港南開石削顛參差劒戟互相連眼前冥漠都無地頭
上空青只有天歷數奇形無此外回尋真面在那邊窮儒
本色難爲達羨爾山名肇錫年

次族姪重窩

洪良

閏七月生朝韻

生朝回首幾炎涼今歲重逢感必長卽看兒舞雙斑袖先

祝親齡萬壽觴佇待他年成鶴髮追思是月有熊祥後來
此日應多遇未晚桑蓬志四方

謹次先考遜菴公詠爐韻

石龜中立若窺魚進止有常踏跡驢焚香如過春三麝煨
栗應逃暮四狙午茶煎處煙妨鶴文酒溫時月賴蜍烘爐
熏炙工如此更熾新灰喚收猪

題鳳德齋

在丹山

丹山昔有鳳凰遊鳳去山空歲月流梧已勝巢過屋角竹
猶結實滿墻頭九成世遠來儀日千仞時遲覽德秋育我
英才多鸞鵠安知扁鵲不虛留

和平近堂講會諸友

吾鄉復覩武城歌盈耳洋洋滿面和教欲因材開正路論
當徹底激頽波衣冠秩秩淳風在簿牒閒閒暇日多沂水
千年今一會汭陽江上詠而過

與李中軍同吟

漏鼓初收引月琴兩宵聯榻是同心才高定是成于王交
淡元非結以金閭閭錯落平臨野樓榭參差迥出林竟夜
笙簫眠不得却忘紅日暎江潯

移藏老峯閣先生文集板于淵谷院

緬憶先生倍感情移藏遺板閣初成元氣不因風雨泯神

光長與日星明幸賴我侯儒化盛終還吾土士論平至今
想像儀容肅冠岳崔嵬泝水清

與三從兄金溪

啓漢

月谷

啓采

訥軒

啓奉

唱酬四首

禮貌相迎敬如賓安將此會會頻頻千年社木村惟古百
本庭花屋不貧酒薄誰憐園及趙書多猶惜火于秦惠連
羣從同遊日未必如吾各率真

諸從追隨夢不勞池塘春草細於毛雲開遠岳天將月雨
過潺溪水自濤歌和琴聲尤入妙酒牽詩興倍生豪箇中
樂事誰能識敘嘯臨流夏上臯

俊秀吾家摠惠連門庭如水日如年梨花溪院紛紛雪芳

草長堤漠漠煙腰下黃金羞十萬髮邊白髮歎三千津津
情話仍無寐坐到更殘燭未懸

一雨初晴百鳥吟此時佳會抵千金看花有約先謀酒愛
月無眠更抱琴丹山梓里猶依舊碧海桑田可奈今征驢
且莫催歸路爲寫天倫未了心

除夜與金文

潤圭

韓丈

哲潁

唱酬于冬柏亭

守歲寒牕綺話長如過此夜卽三陽雞聲膈膊催年色蠟
燭輝煌達曙光詩上堪憐翁髮白醉中渾忘我眼蒼手題
桃帖知誰祝先拜南山萬壽觴

歲初又與諸公遊屏澗亭

短竹長松綠未齊中分大野限東西
滴簾幽翠雲間岳入戶寒聲兩後溪
晨露零庭驚白鶴午煙繞屋唱黃雞
名亭遊債緣何重釀雪江天半欲低

陪三從兄訥軒

啓奉

謾吟二首

獨醒吾非尚志高厭看塵世濁於醪
賓客稀來書可讀兒孫漸長筆能操
誰知苦海鯨鯢鬪自愛名山虎豹逃
願學源泉流不息終歸大海作波濤

慷慨悲歌一唱高渾忘塵事莫如醪
誰有障瀾能砥立世無入室可戈操
青燈欺我功何在白髮侵人罪敢逃
睡起山牕涼在枕松風浙瀝自成濤

丹山齋與友人吟二首

精舍幽幽草逕深詩家一會敵千金庭花露濕香侵案
竹風來爽在襟閉戶十年無故友登山三月有新禽請君
且莫催征馬春後風光不似今

爲惜殘春挽客留飛花如雪擁樓高雲裏山村藏若寺雨
餘江店泛如舟一生瘦骨相憐鷗半世閒蹤更狎鷗憑欄
也好添詩料無限風光盡入眸

三從兄丹溪

啓宏

宅同文中峯

郁浩

唱酬

棲息溪林若鳥巢何須占得最高梢清音自愛琴藏匣寶
價誰知劍在鞘君歌白雪元難和我草玄經不解嘲一生

飲啄甘隨分莫謂人間不繫匏

暎山紅

一樹庭花供我瞻清香暗暗襲毫尖只緣露濕輕垂砌不
爲風飄亂撲簾絕艷元非由造物衆芳都是刻無鹽夕陽
暎得山皆紫非是昆岡烈火炎

和友人二首

故人遠涉認康寧別後光陰度幾星見說潘毛猶未白不
圖阮眼又能青琴中山水君應賞酒後風煙我獨醒只爲
臨分無所贈沉吟竟夜却忘形

午睡初回夕照明緗簾細纈篆煙輕杜鵑春盡思歸語黃

鳥天晴喚友聲宇宙誰能爲砥柱男兒自許作干城始識
化翁均澤物生生春草兩餘情

悅樂齋和鄭驥鉉二首

從古男兒志四方一生愧我任疎狂春吟汗漫憐花氣夜
醉淋漓愛月光聽鳥每過溪院落觀魚佇立小池塘青雲
分外終難致悔踏紅塵走洛陽

望美人兮天一方
菱憂漆室自非狂
晝靜流鶯頻有語
地幽芳草晚生光
碁聲才斷煙沉郭
酒氣初醒月滿塘
山居非隱因愚拙
短短荆扉掩夕陽

牧丹花

特出羣芳卉譜登姚黃魏紫孰爭能清香難掩微風至艷
態偏增宿露凝國色宜儲金屋裏王宮何闢土堦層看君
富貴今如此無乃前身是道僧

怪石

未步之蟾未嚙鶯品題甲乙說難明偶欺白額張弓手不
負青州貢篚情德裕看應醒以號元章遇必拜而迎自憐
好怪無如此得在花間老一生

餞春

芳草和煙靈雨零東君星駕挽難停騷人踏翠添新恨怨
女啼紅減舊形別意難量淺淺水行塵不見短長亭明年

更有花開日滿地春風醉復醒

鄭斗峯

鐵庄唱和

折簡相招水北南
芝苓蘭佩映澄潭
會開勝日人如市
築在溪山屋似菴
伴得沙鷗翁髮白
踏來芳草子苓青
一樽酒盡相分手
西熱東勞各兩三

迎夏

南訛時令屬朱明
芳艸和煙野色平
柳絮驪地知風過
麥痕連天覺雨晴
眠鷺拳沙如晦跡
啼鶯出谷自言名
青皇赤帝相交代
寂寞春宮夏始行

肇夏

生於元自化翁才細草和煙綠似苔野闊人家凡幾在洞
溪客杖不多來浪吟碧畝乘風去半醉清溪帶月回愛是
桐孫琴意在下庭日日手栽培

太極峯

全體崑崙青不磨活流坎水的源波東南分脈陰陽判動
靜無形歲月多四象峯花添兩化互根巖草放春和誰識
濂翁無極理此中具在使人哦

舍弟晚悟庄同族姪世良晟奎及丁如郁拈韻

寒意初殘晚更微坐看物物漸生輝潛魚圉圉依萍出巢
鵲查查繞樹飛俄頃梅花經臘雪幾時楊柳弄春暉定知

此會天翁借山月多情挽客歸

鳳儀齋和文仁淑

未必清遊少長咸報君且莫拂征衫偏憐幽草多沿澗却
喜殘花尚背巖難道人情皆冷煖其如世味最辛鹹危言
豈是藏修策只合平生口自緘

次仲弟

啓燁

晚悟堂韻

晚悟於心自圓廬喜君能悟却先余疎狂之習元由酒存
養其工只在書慎闔言樞人孰侮溪培仁種地猶餘顧名
夙夜常思義天賦終然乃復初

卽事

料峭春寒似大冬未妨一雨過千峯
澗流壅滯通眞脈山洗塵埃出好容
望美常依星北斗懷人獨坐日高春
詩魂惱我眠方熟灘石無端自響鍾

春霖

彌月長霖潤紙牕橋根全沒漲前江
終朝雷震噤啼鳥盡日風喧聾吠
狗明月不來何處問故人相見我心
降隣翁慰此無聊甚每向墻頭送酒
缸

白鷺

白鷺閒閒拳足俄飛來西塞浴清波
明沙隨處眞盟好疎雨平生穩夢多
頂有垂絲塵不染身無片玷玉如磨
漁翁

最是知心者奈乏人間張志和

喜晴

霽後輕陰天際垂山樵溪釣問誰誰庭花兩浥紅生面岸
柳煙濃翠展睂君亦鳥耶鳴最善我非魚矣樂安知詩情
也好尋佳境正及江南雨歇時

麥浪

麥氣因風便作瀾江南物色畫中看驅連上下天同碧漲
合東南地欲圍牛似黃鶯來柳岸人如白鷺立汀蘭我琴
宜和滄浪曲招與田翁試一彈

偶吟

萬事無如聽彼天此心不改此生前終來善惡非初賦現
在窮通是夙緣則足三朝羞下玉帶腰萬貫笑楊錢有源
自有盈科日不息當如覓末泉

養蠶

採採柔桑暮復朝養蠶還勝養魚苗飢時不暇啼兒乳眠
處方能好客邀只願經綸盈爾腹非要綺羅遍儂腰親繅
聖后三盆績化裏人民起巷謠

惜春

詩家謾興似寒郊倏忽光陰春夏交微綠初生沿澗草殘
紅只在背巖梢老妻有意杯時進稚子無知釣但敲秉燭

夜遊非不好林間宿鳥怕驚巢

盤松

枝枝卷曲百千回鬱翠成雲撥未開老大幾時圓似蓋壅
培當日小於杯遊人避暑移床坐行客休陰傍路栽勝巢
不爲凡禽許只待他年有鶴來

次族叔弘毅齋

棒植

見寄韻

四海風塵不暫休如今無地講春秋民情思復威儀漢天
意終應禮樂周去去人如登棧道招招印否涉膠舟知君
也是含光王待價還宜蘊櫝留

次眼鏡韻

粧來純角取諸牛巧刻良工等棘猴玳瑁有紋長似鶴玉
輪無玷潔如鷗老人止癢看衣蟲行客遮塵伴杖鳩產自
慶州珍品異黑於烏者紫於驕

次家蜂韻

飛似蜻蜓伏似蛙養筒還異養欄肥君臣有義憐屯蟻將
卒無分笑陣鴉螫毒疑逢林下蠶蜜甘勝食海中鯨揆香
不是顛狂蝶肯作紛紛鬪角蝸

與金洛中共吟

濁世猶能獨也清居然白髮自無情一川流水源源活萬
樹繁陰處處生詩書閱盡今何用琴筑藏來竟有聲如君

風骨年猶少坦步前程志必成

訪李鳳谷

載升

於鳳林次諸少友韻

講樹陰陰鳥數飛也知喫緊入精微少年艷態爭新柳盡
日清香挹紫薇江近午涼侵几案山深夕翠襲巾衣老夫
只有耽詩癖終是儒家小範圍

同友人吟

奇珍誰數席中間二郡相逢摠舊顏山屹雲於天際宿溪
長波以海心還一生謾向書中老萬事皆從醉裏閒如尋
微逕求奇觀只在行行努力攀

次文丈

聖三韻

超世才名自在童況今一簣更加功清寒瘦骨梅經雪澹
宕豪情柳揚風坐月琴心知者我逢春詩思主人翁津津
綺話仍無寐不覺紅暎映屋東

次金文

五鉉可菴韻

擇處於南德有隣飄然白髮老溪濱安貧行素盤惟菜隨
分持清榻不塵點瑟暮春歸詠客顏琴終日坐愚人世皆
自可非眞可似君方可謂仁

末庚日富春亭追暑

富春亭在汭江東河朔杯樽古俗同座客不知庚熱日主
人亦有子陵風山名偶合千年後灘響時聞七里中詩就

歌終歸去晚林端已見夕陽紅

偶吟

世路多岐西復東誰能辨得異而同狂瀾不息千年後斯
道難離一日中思得烘爐銷點雪願從希瑟浴春風星星
我髮今將禿箭力其如未中紅

次兒曹韻

午睡纔醒日影遲秧歌樵笛此何時明沙白石鷗難見溪
樹幽花蝶不知志固寧爲人撓奪心清不與世推移卽看
兒輩詩初學蛾述蟲彫亦可奇

寶林寺

迎智山東瀑布南花林溪處與僧談鍾聲搖落雲沉壑塔
影橫斜月滿潭門額千秋元不二寺名四海偶同三慈悲
功德如能普天下無人不善男

賞龍湖水石

渟瀟平湖十里堤小亭迢遞下臨低削如白玉千層屹長
共蒼天一色齊雲濕千秋龍有窟風生半夜鶴移棲漁歌
唱晚中流去忽看斜陽冉冉西

淵谷院重成和多士韻三首

一壇能慰萬人情天理循環毀復成風雨不磨遺板在日
星長照御毫明春秋俎豆年豐稔朝暮絃歌世太平願

果始知元不食窮陰消處有陽生

右家君作

多士能伸慕仰情卽看淵谷院重成棗梨藏閣文華盛蘋
藻薦壇祀事明教化中興周太學淵源上接魯昌平煌煌
御筆龍蛇動稽首矜紳感倍生

設壇藏板并闢情天不無心事竟成依舊絃歌聲不絕至
今刮剗字分明全鄉多士謀相協知府賢仍政又平俎豆
年年長不替精靈陟降恍如生

次李中協植杏韻

李爲退溪先生後孫植杏於隴雲精舍卽先生講學之所

文杏千年氣味同隴雲精舍闢春宮抽萌當日纔離地敷
葉他時必蔽空影襯書帷添化雨陰生禮席挹香風靈芝

元有根柢在緬憶先生隱此中

儼戲

儼戲村村像太平掀天動地百邪驚著氍毹子軍容肅剪
彩花童舞手輕閭巷炮聲驅癘壯社壇燭影賽神明那將
一鼓安天下靜掃煙塵皎日生

次族姪

奉良農軒韻

早擬尋真志未成晚來學稼老平生三間茅竹依雲構數
畝菑畲帶雨耕只爲家貧能食力自從世亂不求名案頭
猶有琴書在較昔淵明孰重輕

次文友

貞源慎巖韻

自署其堂自作詩雲林晦跡幾多時人情冷暖三杯酒世
事輸贏一局碁十代箕裘貽後計千年俎豆繼先規平生
慎獨名符義夙夜兢兢思復思

賞楓二首

霜天搖落萬林疎分外春光侈峽居青者千峯都是變紅
於二月果非虛醇酣勝與高人語玩索如耽古聖書杜宇
年年無盡血又能及此染花餘

緩踏楓崖興不疎洞天繡錯移幽居脂藏山面夸娥隱錦
掛枝頭織女虛灼勝桃花漁子帆紅於柿葉廣文書化翁
無乃偏私者摧盡羣芳獨此餘

猫

登木踰墻喧鵲鴉飯恩能報若珠蛇行時錯認斑文豹臥
處分明曲背鰕捉鼠如魚窺學鷺遇施若虎懼過蛙饒家
積粟應多養底意難忘斗屋蝸

火爐

火食家家食不寒爲誰吞炭效忠丹浣時資慰宜伸服祭
夜焚香每正冠器自河濱何處苦體成鐵石似磐安願得
烘爐銷點雪聖門熏炙聽猗蘭

夜吟

蕭瑟空齋冷似江懸燈不寐獨扃牕天寒憐爾眠雲鷗夜

久緣何吠月苑從古窮通皆有數如今迂拙我無雙悠悠
萬念消難得分付家僮煖酒缸

次宣林圃

永祺韻

林林老圃養丹田萬事無心白首年日檢桑麻閒適野時
尋花柳晚過川莫言展布今無地只信窮通自有天案上
有書樽有酒客來亦復共畱連

詠燈

書帷十載伴薤鹽辛苦無言口自鉗玉盞儲油滾過樸金
刀剪燼利於鎌五夏逆旅懸無寐一點明師對有嚴秉燭
昏衢違素志見君今日愧還添

次林里篁齋韻

幽篁溪處小齋清水去山來互送迎
亂纈牕心知月影微
涼欄角認風聲此君一日寧疎遠
吾道千年復講明
長得兒孫凡幾箇
異時應作鳳凰鳴

次光山金氏永慕齋原韻

述先裕後此堂成
霜露春秋每展誠
虎踞龍盤占宅兆
鸞停鵲峙繼家聲
羣山拱揖連空屹
一水朝宗到海平
滿壑松杉今已抱
也應追慕不禁情

和曹京化

白首相逢憶少年
夢魂幾度到君邊
說難盡緒空無語
對

輒生歡欲不眠抱玉休須人適楚築金無復士趨燕何由
結得香山社楊月芳隣與共連

與三從兄金溪訥軒及曹京化唱酬

晦跡雲林尚志高薤鹽十載悔焚膏清談寧可追緇阮迂
論何須效朔卑世亂關河遲洗馬年荒村社罕魚羔却憐
羣從老猶健鍊得詩鋒利似刀

月川白場韻

樂歲吟樽似海濶了無塵事可關心霜餘楓織新紋錦風
裏松彈古操琴蘭社羣賢皆已集零壇童子亦相尋天翁
解助遊人興送月亭亭映碧潯

俯溪堂滯雨四首

悅話溪堂德有隣百年桑梓老天真詩情汗漫春將暮酒
興淋漓夜達晨山鳥頻來如慣客林花遲發解留人精靈
陟降今如在瞻拜雲孫感夏新

不解漁樵不解耕還羞書劍未能成桑蓬違志青雲遠蒲
柳無情白髮明半笑庭花如欲語雜生逕草摠難名松楸
連抱還多感閱盡風霜老太平

緬憶先人肯構年雲孫孝思自油然空山桂樹誰曾隱流
水桃花我亦仙不泯精靈遊上界永安體魄護重泉吾家
福祿長川至俎豆千秋勿替傳

右次板上韻

睡起披衿立晚風
冠山秀色落牕東
柳堤不覺春江綠
花塢偏多夕照紅
義利自分千卷裏
悲歡俱忘一杯中
如今始識宗盟好
日夕詩談許我同

苦霖

兼旬不見一陽回
漠漠陰雲撥未開
萬點飛花連巷陌
幾時明月上樓臺
翁愁漏屋登簷角
婦拾殘薪滌澗涯
故舊相思不相見
趁晴準擬共合杯

偶成

卯醉淋漓午睡甘
不知山日暎空潭
拙詩不過恒茶飯
訛說如聞古稗談
案有殘書徒讀父
家無長物可遺男
隱居

行誼宜今世愧負千秋董召南

示舍弟稚德

啓燁

人十能之一未能且須努力試攀登酒因伐性如強敵書
到存心似好朋畫虎不成還類狗附驥致遠竟爲蠅願君
日日須存養莫使曾中有炭冰

批塾兒詩步其韻二首

春晚初成白苧衫憐渠風骨異諸凡莫虧此日爲山簣好
作他時濟世帆竹帛終看今古耀薤鹽須喫暮朝鹹千秋
顯達知何限勤苦之中做得咸

白首芸牕放豪歌未成書劒老將何世無秉燭皆昏夜才

之爲舟奈巨波一夢遽然隍鹿臥百年容易隙駒過勉渠
鑑我前車覆徒海鵬程萬里多

鑿古井

并小序

井舊在村路傍因虎陷人溺遂填廢用溝水汙穢不堪
飲以是患之每擬復舊而因循未果今年春僉議詢同
開拓得舊井及其泉而綬引之尋可五六圍可數十源
清而味甘夏冷而冬溫潦而不濁旱而不渴可以防癘
延壽未必多讓於菊水杞泉噫井之廢今過二紀而一
朝復興使一里百戶免飲汙穢真奇事也目今吾里之
凋廢亦一廢井爲患不啻若飲汙而不之恤吁可歎也

繼自今苟有能開拓而經引則安知吾里不如此井之
復興也哉是役也尸其事者奉奎憲奎明奎文奎也始
役則丁巳閏二月十五日寒食也

廢井多年竟復初歡聲喜色溢門閭及泉不是今人始築
石因仍舊日如增壽應同栽菊水論功豈止灌秧渠村容
賴有重興望晝夜源源汲有餘

憎蒼蠅

喪魄投羹復怨誰
尋香集飯亦多時
扇將揮去終難售
壺欲收來每易虧
如蟻逐腥羣作陣
似蚊吮血嘴驚錐
斑斑遺矢衣裳污
莫使營營止墨池

撥悶

沈吟終日不成章
縱謂偷閒反是忙
琴中山水誰能識
壺裏乾坤我自忘
花影當牕知返照
竹陰滿屋覺新涼
却慚櫟櫟將安用
歲月無情兩鬢霜

寶劍

解得冠年遊洛陽
秋蓮三尺出金塘
直如其矢應穿柳
銳過於斯可伐桑
不許攏夫擒虎兔
肯教屠坦宰牛羊
尚方斬馬何須借
擬斷佞臣巧舌簧

次南宮聞三回甲韻

弧矢重看舊甲回
滿堂歌管錦筵開
孺人白髮援琴坐
郡

守青袍舞彩來丹粒應多延壽竈黃花尤好介眉杯如今
皆賀汾陽福此外何須更願哉

落照

何山落照不牛山今古人生老此間伊昔安知愁雪髮幾
時能得貸雲鬟光穿碧樹蟬何急影倒清江鷺自閒晦明
一理元如許齊景胡爲灑淚還

贈別宗人

鴻權

垂老宗盟不偶然幾時同樂在樽前眼青花樹三春兩頭
白薤鹽廿載煙今日送君魂欲斷他宵憶我夢應牽歸家
莫負重來約獨坐無聊眼欲青

月川院講會

寂寞多年會率真儒風今復動鄉隣鳥飛若此空時習蕉
展如何又日新抱負誰非名下士逢迎俱是意中人乃知
天道循環理寒後方看一脈春

次劉孝子

東竣 農巖韻

自在韶齡已老成事親至孝世知名養非止口能兼志色
豈惟形寔出情萊子春衣庭有彩黃香夏扇枕多清也應
下瑞天翁在難道如今乏董生

次楓菴先生思君亭韻

亭仍臺號曰思君繼述先模肯構勤葵藿一心能向日蓬

萊五色每瞻雲不惟賢裔繩其武自是名家數此文望美
歌終人不見至今忠義更誰云

次族兄

啓忠

雲水堂韻

雲水堂成問幾年主翁於此做閒眠莫言韜晦今無地只
信窮通上有天正欲斷絃知者少若教當局着之先一生
壯志誰能識名字羞將幕佐傳

詠歸亭唱酬

碁伴琴朋互後先清談終日却忘年春深花氣蒸簾外日
晚松陰倒檻前樵客共隨蒼鹿下漁人相對白鷗眠林泉
棲息非無樂可奈流光若逝川

次李蓮史

鼎根

蓮堂原韻

君子堂前君子蓮
游龜終看老千年
花來玉井仙香遠
根得淦江好種傳
簞瓢自樂居顏巷
舟楫空違濟傅川
愛此淤泥能不染
寒潭秋月照心圓

示長兒璟奎

萬事如今聽子宜
何辭更向汝曹爲
况當宗社傾頽日
又值倫綱斃敗時
孝友常思貽後計
儉勤無負述先規
治平乃是修齊後
不待吾言必自知

示次兒憲奎

人道入爲是乃宜
如非人道不宜爲
仁萌自發存心處
惡

念常從放意時莫以輕跳越世態須將勤儉立家規此言亦我平生戒知不能行等不知

贈叔弟稚玉

啓琤

生爲兄弟有奇緣較得阿兄弟更賢自昔孩提能篤愛況今老去不相憐此肩君是居三位序齒吾惟長八年逢此漫漫風雨夜願言無恙對床眠

贈季弟汝會

啓來

一樹同根達四枝三猶不易四尤奇爺孃偏愛孩提日昆季逾親老去時萬事無如耕讀好百仁皆自孝慈期吾生不幸滄桑世性命求全是乃空

安月山

敬輿

庄小集

月山處士老梅亭梅月端空寫作屏灝氣涵牕秋水白晴
光滿屋暮山青藏如櫝玉誰知價遺不贏金自有經竹下
依然三逕在任他二仲日來停

金貞軒

漢信

庄春暮雅集

春光冉冉日遲遲思以千金續此時花老猶存懸蝶藥柳
渡難見坐鶯枝縱然病我難辭酒若不驚人合廢詩始信
主翁能好客頻來亦自惜相離

聞義士梁

海心

遇害憤痛有作

喫菜窮山五十年堂堂義旅倡人先自甘忠腦終塗地豈

肯讎頭共戴天壯志難將鉛墨狀芳名長有汗青傳愧余
漆室憂何益却悔同君未溘然

詠歸亭和李秉遠

松作門扉石作臺化翁爲我別區開黃鸝樹密藏身在白
鷺江明倒影來山霽如披新畫帖泉甘勝酌濁醪杯相逢
不欲旋相別夢裏思君正幾回

族弟鳳岡

啓來

見訪

江上孤亭似釣臺只緣迎客戶常開松聲沸壑知風起梧
影籠牕認月來別久話長頻剪燭廢餘吟澁謾傾杯願言
花樹同隣發我屋君家去復迴

示從姪明奎

人生莫不有靈臺隨智隨愚各閉開惡草定難除盡去好
花亦自養勤來膏粱未可當書味鳩毒誰知在酒杯勉爾
一言非我老須要收得放心迴

鄭芝山

達益

見訪

鷦地是音響石臺未看先已喜顏開松成赤甲吾今老菊
有黃花子又來詩到苦吟難一字酒因累勸易三杯自憐
蒲柳多秋氣他日相逢定幾回

挽文公

基德

○代家君作

并鄉隔嶺途小少誼交孚親老反烏哺子賢貽燕謨風流

人景仰齒德世楷模軒冕還爲恥簞瓢聊自娛奉顏言在
耳承訃淚盈襦塵夢驚隍鹿流光歎隙駒論琴無我賞舉
酒有誰呼日暮薤歌斷彷徨山一隅

挽金公

琬

暮年氣力尚強康夢外凶音使我傷頭上何曾侵髮白耳
邊終不到雌黃已將孝友傳家好尚有聲名播世香老去
何時非翰墨春來無日不壺觴靈輅旣駕嗟何及病榻相
尋悔未遑薤露歌終人不見哀詞一紙淚千行

族叔春坡翁

璫植

挽二絕

一朝朝玉京仙侶笑相迎若問人間債冠山久晦名

名山天作是天冠鐘得斯翁器宇寬壽至稀年無復憾未能展布世皆歎

挽李公

士中

上舍遺風人莫先怡然奉話已多年典型今日於何覲有子如斯克繼傳

勉菴崔先生挽

山岳崩頽大廈傾樞旋如凱六洲驚讎邦一日生猶辱忠史千年死亦榮白首臥薪齋志久丹心許國視身輕重泉如使能相見噬雪還應愧子卿

挽尹滋鉉

我公曾是王京身應恨當初謫下辰荆棣聯芳長枕夜芝
蘭呈瑞彩衣春早將詩禮傳家業晚與漁樵擇里仁八十
年間塵債了乘雲更作帝鄉人

挽文公

必錄

村名五福福翁居八十年間一草廬杞菊叢叢生計足芝
蘭茁茁德陰餘逢迎不患樽無酒消受差強案有書先子
同庚尤可敬計來不覺淚盈裾

挽文基奉

仙籍曾參第一班黃庭誤讀隨塵寰琴瑟偕歡餘白髮簞
瓢自樂到蒼顏常棣園中歌鄂韡老萊庭下舞斑斕如何

便忘人間事一去瑤臺不復還

挽姜監役

獨永

天借雲輶待至京好從仙侶話生平已能省事還無事縱
不求名自有名岐界七旬猶曰壽明時九品亦爲榮人間
債了終何憾教育兒孫揔俊英

挽高光益

鄉隣皆艷地行仙豈料今朝遽上天半世怡神無白髮古
家長物有青氈棟樑摧矣誰支廈舟楫茫然奈濟川哭挽
靈輶爭酌酒佛山終日起香煙

挽文公

國米

一別悠悠隔九泉不知相見又何年青豔有業畱餘地白
髮無情待後天并世而生差我後通家之誼自公先空山
寂寂人安在一紙哀詞淚泫然

挽安公

時宗

八旬氣宇尚軒然意謂吾公享大年難道神仙行在地應
爲星宿列于天孝子深誠違鯉笋遠朋熱淚集雞綿江南
花兩山西路婦孺吞聲競後前

挽盧公

有正

吾鄉宿德莫公先底意天翁不假年半世仰名如泰斗一
生持戒在冰淵東嶺幾處簪相盍西笑當時杖每聯顏色

依依如復見不知落月屋梁懸

挽文夷采

此年同病我相憐此日偏驚訃忽傳世亂何能無白髮家
貧猶自有青氈盍簪舊契先天似執紼悲懷易地然癡想
不知真也夢經宵獨待駕言旋

挽鄭公

永一

陰雲慘澹壓江亭一夜無光處土星故國滄桑雙鬢白鄉
隣涕淚一坏青樽中不乏迎賓酒案上猶存教子經薤露
歌終人不見空山寂寂兩冥冥

挽李洙祚

送固爲難挽亦難計書手戰不能看知應化羽登天去豈
肯將身入地安孝養遽違冰底鯉佳緣忽斷鏡中鸞數行
哀談千行淚知否親朋舊日歡

挽朴公

致廣

一紙凶音夢也眞蒼天胡不壽斯人名山杞菊仁爲里幾
處蓬麻德有鄰新恨易生看月夕舊緣難續賞花春後生
今少依歸地非爲吾私淚滿巾

挽金司果

永祚

生而能武又能文歷數吾鄉孰似君手閱麟經尊義理名
登虎榜效功勳輔仁以友今焉已耆壽於才此所云一夜

遽成千古別哀詞讀罷淚沾裾

挽白公

亦直○代舍弟啓東作

冠山突兀泖江清此老知應毓氣生只爲藏修成獨善如
能展布致昇平紫陽真脈淵源在漆室深憂社稷傾忝在
葭莩情誼重計來不覺淚沾纓

挽李公

顧雨

百年人事古來忙豈料斯人遽帝鄉弧矢初心違廟筭箕
裘緒業紹先光安貧自是行字素知命終來任彼蒼也應
此去修文好白玉樓高助上梁

挽馬公

鍾淑

如公德望士皆知晦跡林泉定幾時多病馬卿無日起風
流儒雅亦吾師牛眠吉兆占應久雞絮菲需奠已遲痛矣
九原難可作依歸何處更相宜

挽金公

之銘

如公齒德冠吾鄉耄五行年氣力強三世遐齡承景福二
枝賢樹播芳香生來不欲居人下此去還應在帝傍已矣
九原難可作空山執紼涕洟洟

挽李性中

息息祖道靈駕輪婦孺吞聲集四隣秉執猶堪爭日月神
精應已作星辰蓬麻自喜相資益瓜葛還慚猥忝姻才過

知非何喬壽朗山堪道巷無人

挽姜公

仁馨

康健如公七十年乘雲昨夜忽昇天
儉勤世業能傳後孝友家風克紹先
居在同鄉鄰未接尋於隔嶺榻頻聯
我琴從此絃宜斷歷數知音復幾人

挽金承旨

冰豐

棟折梁摧大廈傾士林相弔鬼神驚
朝廷袞職誰爭補關塞兵塵尚未清
匹域衿紳皆失色西隣樵牧亦吞聲
丹衷不泯千秋在應愧承宣寫粉旌

挽嫡兄

曹政承

八十行年尚健康遽然承訃倍驚傷
巨川誰復作舟楫大廈其如摧棟樑
師友得尊先我齒姻親誼篤況同鄉
未能執紼遙相送一讀哀辭涕泗滂

內舅淵窩金公垂挽

聞說吾公上帝鄉白雲何處路茫茫
箕裘自有傳家業舟楫今無濟世方
一日不曾離翰墨千秋亦可免雌黃
此行不是渭陽去哭送靈輶淚盈眶

詩贈

戚兄文中峯

都浩

誄辭

執中無過才德絕倫業傳家庭望重鄉
隣弟兄愛篤咬菜

喫緊陋巷安貧齊家主義惇族先仁斥匪志堅扶正心淳
雖藏櫝玉孰數席珍寒郊瘦島還何遭迤邐莊叩志喪商痛
肩輿年過甲乙時厄已辰淡水交誼况添戚姻家塾遊日
校宮講晨論書說道過訪步頻自公去後懸榻生塵緣何
世降早未情伸枉公所感壽止六旬誄呈一語大明完人

金進士

學善

誄辭

久恃康寧承訃驚傷壽享終命名登上庠追孝誠篤保宗
心長內無邊幅外合圓方花石遺戒蕙蘭播香

構室手白起基髮黃五福兼餉八旬益強仁山月冷泖水
風冷交孚戚末情篤鄉坊薤露春晚奉誄涕洟

文集卷之二
四十二
文采鉉誄辭

年未六十天不壽仁家規行素天性率真楓翁陰積有若
斯人庭蘭春澗園棣日新論琴義厚臨酒心淳居巷堪樂
遊嶽畢姻數世交誼尺紙難陳輒歌斜日水咽山頌

代從弟

啓瑛

松亭文瑩默誄辭

天性率真江湖逸民箕裘遺業簞瓢樂貧雖云偕老未畢
嫁婚棣園殘日蘭庭晚春冰席情重客床誨諄惟知康健
忽驚駘輪薤歌峽路綿酒鄉隣敢絜執紼揮淚沾巾

族丈詰祚辭

齒德莫先承訃淚澗無恙白髮裕後青氈鄉園一解見屈

由天敘倫花樹遯跡林泉行仁得壽積善福綿八耄無憾
在公不然朋友輔仁誰與比肩英才教育莫公之賢今焉
已矣有淚徹泉山水高風千秋永傳

任德五誄辭

勤儉率真真太平人琴書堪樂蔬食安貧棣園日暖蘭砌
春新擇處仁里不孤德鄰和溫接物勤謹修身有慶二子
無恙七旬滿山楓葉不埋靈神

李學隱

華益

誄辭

仁者未壽在公獨疑守靜心逸樂貧志怡敦族倫敘裕昆
範垂庸學心工詩禮家規聯床棣華滿砌蘭芝孝能幹蠱

嚴在從師辭任聖殿董役賢碑善積心土謨遺德基婦孺
含痛冠冕齋咨生并一郡詎重連楮追隨之日資益以時
往在病床未遑尋醫至月同寢誰識相離誄替匍匐臨紙
噫嘻

族丈梧軒

通一

誄辭

康寧八耄性剛心寬忠孝傳世嘉善陞官華溪院棣香透
庭蘭數人獎學教子遺安神彩鶴立筆法龍蟠求覲眞像
霽梧月團獅靈護駕憶佛呵寒雲旌雪紉綿酒咸歎

三從姪

辰奎

誄辭

代舍弟啓來作

開門數世積善永昌孝友承業文學擅鄉斯人斯疾遽至

荒涼詩筆生華基酒播香親情異凡厚誼超常間日問枕
期君壽康荆園偕樂蘭庭遺芳并六胡逝西隣痛傷千古
一別咫尺北邙

稼圃文公

五潤

誄辭

楓庵世閥德山逸民友恭伯季孝養偏親耕雪植杖帶月
荷鋤囂然自樂力穡飯蔬愛姪勸字撫養有餘琴宮賢淑
友情賓敬教子義方積善有慶早知務本晚榮通政立碑
旌孝築亭懷忠建屋裕後捐橐恤窮琴和白髮庭舞青袍
康寧八耄仙命難逃鄉隣嗟惜孝子攀號世誼姻親幾拜
石床公非不壽哭私自傷松竹含淚岳壠無光聊寫短幅

敘情淚海

李碩兩誄辭

代家兒憲奎作

擬公仁壽實難諶天性本渾厚飭躬冰淵孟案高舉姜被
長聯凡於宗族惇睦是先御其僮僕恩威并全自入甥室
奉誨有年雖乏玉潤冰教惓惓春間枉顧無恙歸還嗟嬰
二豎仙路導前情違執紼涕泗潺湲

文振浩誄辭

代舍弟啓燁作

八旬健康承訃熱腸孝友連世詩禮範鄉堂闈日晚棣院
華芳西河雖痛北海安貧簞瓢自樂琴書惟新寧儉守古
曰勤行真敘倫敦族錫胤貽孫人惟克壽天豈惜恩雞綿

爭先顧私淚痕

文景初誄辭

天何速奪這理難堪江城玄冑楓庵遺陰克承家訓馳譽
儒林二豎嬰疾無效朶蓼室琴誰鼓堂墳孰吹鄉鄰如悵
士林齋咨積善慶餘率身謀貽鯉庭獨趨詩禮才奇情違
執紼題哀哭私此路難挽欲訴暝司

族弟

啓善

誄辭

天性溫厚勤儉持身積而能散譽騰襟紳敬以愛兄孝於
事親德耀賢哲鴻曰此真趨庭斑衣老萊其人晚而潤屋
調窮恤貧內而親戚外而鄉隣克享遐壽衆祝惟均嗚乎

蒼天胡不壽仁官止三品壽終六旬婦孺吞聲士林沾巾
況余同黨喪豈凡民匍匐當先因事未伸竟違臨壙只自
傷神千古永設一誅難陳滿腔熱淚水咽山頰靈若有知
庶或不嗔

復齋集卷之二

書

上勉菴崔先生

鼎鑄有耳泰斗知仰每讀劄奏之章服其忠義之炳如日
星繼讀記序之文歎其文章之決若江河紫陽一線脈賴
而不墜國有著龜民有父母其爲心悅誠服矣可以口舌
道哉顧竊念啓玟自以蔑劣鹵莽之質居又僻陋初無經
庭之受并乏雪門之教未得晉拜函席先此猥奉短簡極
知僭罪抑區區情私有不能但已者今所上先考家狀恐
致玷污大君子立言之筆然倫理所在不揆猥越略陳而

鄉狀中實蹟幸垂下鑑不靳聞幽顯微之惠否太史公曰
巖穴之士名湮滅而不稱蓋悲之也古之董召南非得韓
文公筆則百世之下誰知漁樵之一董生乎世之簇楚類
誅剝藤刻畫唐突者滔滔皆是而奔波中一砥柱獨先生
在耳如得不孤私望則寧不知感乎

上奇松沙

字萬

拜違十年未克再晉并闕一紙候自訟誠淺曷以能文伏
未審季春道體起居萬康今天翻地覆道喪文弊國中文
席次第凋落惟執事歸然作靈光幸爲斯文爲世道千萬
自重先考遜庵公狀文旣蒙勉翁親撰而未得墓表之文

昔曾南豐得歐陽公之筆以闡其先德苟非當世之大君子爲之闡幽顯微則安得垂信於百世耶茲敢冒請幸不吝大手筆而揄揚之則其爲受賜又一歐陽公之筆也會年大作叔父謙山公狀文及復齋記述古人勉後生之盛念感銘曷極生草木之年今已周甲近取朝聞夕死之義作一寢屏大書顏子四勿小書程子四箴上以九容下以九惠名以克復以爲暮年服膺之資望惠數句銘以爲勿字旗腳俾免半塗險徑所搖奪則執事之賜豈不大也哉禮當躬晉面懇而適以痰喘莫之遂誠替送家兒安敢望海恕也

上奇松沙

料外得計承賢閣夫人奄忽棄世友琴之痛想益切於偕
老之餘夫復何言伏未審秋殷服中體候衛道萬康生以
痰喘叫楚氣衰例症私悶奈何先考遜菴公碣銘幸蒙揄
揚去春已爲勒石豎之感頌罔諭伏想衰年悲悼之際遠
來諸朋雖曰悅樂而何以接和耶生杜門絕交今已三歲
無地可跼憤歎奈何環顧海內不爲頽波所覆者幾希所
恃依者惟執事則此是天借一脈之陽竇也其爲欣幸謂
當何如哉伏祝爲世保重以慰衆望

上李按劾使

答泰

月前上書間已關聽否古阜按劾之命一爲朝家得人而
喜一爲閣下臨難而懼今聞乘傳至界民擾自戢如非平
日忠信之力威望之孚豈可以一言而却數萬之衆乎始
知遇盤根而別利器非一時偶然而致也益州寇至之訛
言得張公而息潢池盜弄之兵逢龔君而散竊想所到郡
縣之婦女迎門笑語曰公來何晚公來其蘇豈徒古阜之
爲然伏冀鋤暴化梗威惠并敷於一方頌節還旌神明再
益於吾土豈徒南民之福抑亦邦國之幸也

上李參政

十年一候雖涉疎慢自經東擾荐丁二憂抽身無暇致此

迂慢幸蒙不罪更賜珍重之教感悚之極靡所措躬伏未
赤菊辰侍中台體候萬康目今時色不佳廟堂之筭非前
日可此則台座之責益將不輕矣未知果能作頽波之砥
泰山之磐乎啓玟雖極蠢愚敢爲台座願望鄙邑鄉約及
興學契至今依行遐土之文風蓋繇台座之教化有以啓
之也欽頌何已

上閔判書

泳詔

啓玟遐土陋生不揆猥越敢瀆軒屏幸蒙不以卑鄙見斥
遽賜溫顏清誨始知河海洪量之納污茹濁非傾蠡可測
也況今異言邪說充塞天地而好學愛士之聲音顏色使

人爭趨於千里之外也哉自顧蔑裂何以得此於大人君子感佩之至還切悚仄伏未審晚涼典學體候衛道百福生去月初還巢不無跋涉之憊而家率則無顯警爲幸存齋集一帙今得封置以待明春計偕時帶呈早晚經台慈一覽則闡幽揚微寒門之生光爲如何哉惟祝台體爲世保重

上李議政

根命

向伏蒙不鄙鰥生俯賜顏色使此寒陋不覺感之深而悚之挈也今而後乃知開閣吐握垂紳端拱措國家於泰山之安濟民生於塗炭之急者今有其人而前此固陋未之

知也伏未審初寒台體候衛道萬安近聞重卜勅命士夫
相慶商旅相抃且意外國之人亦知中國之相司馬矣幸
勿固辭以副朝野歡喜之情伏冀爲國保攝以慰輿望

上徐承旨

相勛

獲拜經床幸賜溫顏重之以獎進之教君子之愛人以德
誠如是矣自顧陋劣何以得此於晨館三丈之下字感與
悚并罔知攸謝伏惟菊令體候衛道萬寧覃度俱吉啓玟
去月初自京至定山謁勉菴崔丈念五日還巢家無大何
私幸經義之斤正近已下手否顧此業不精學不工者心
既荒廢說又甚淺豈能見取於高明之鑒耶誠極悚惶不

知所云

上徐判書

普天之痛尚何忍言奉拜遽爾十星霜諄諄教誨尚今在耳春間次兒憲奎還始聞暮年顏髮無異平昔大人之定力不以險夷盈朒尤可仰也伏未審清和靜中經體候萬康生一切輶晦苟全爲計只俟溘然而已未知何時可得晉拜以敘積蘊祇臨紙冲悵也茲送長兒璟奎揆候

上徐判書

拜候今已二十星霜奉書又五周年矣嚮風慕仰曷其有弛伏惟清和台體候萬康啓玟與病爲鄰得過且過便是

卷之三

五

一寒呼蟲問憐奈何仄聞有續絃之意七旬老人可想其
嬰錢間果親迎而得熊羆之夢耶顧此癘疾只願少須臾
無死復見陽春而天意難必此所謂髮短心長者也嗣今
當息交絕遊抱經自終只作山中之一閒漢近築一小亭
於親塋下大江之上扁以詠歸爲晚年棲息之所幸勿卑
鄙蒙記若詩之賜揭于亭楣籠以碧紗永珍百世則其爲
光紫當如何哉事當躬晉面稟而因病替書極爲悚惶

上宋倅

耜老

景仰有年汲引無綬何幸福星照臨雪山隨重武城之絃
歌復起蜀郡之儒化大興吁其盛矣啓玟居陋質菲雖乏

澹臺之操行馬卿之詞賦敢不聞下風而思所興起乎茲
陳素蘊庶垂玄鑑不以自棄棄之惟以可教教之安知異
時不爲睢陽索遊之孫秀才乎私衷有感謹冒昧以達耳

上宋倅

伏拜下書驚汗浹背不知所喻啓致無似妄不自揆有瀆
尊嚴乃蒙盛度包容不以迂慢見斥勉以進修期造於高
明之域尤不覺顏發驛也顧此庸陋膚淺何以得此於大
人君子耶啓致讀書十數年所得不過出入口耳此無他
故只緣惺惺翁便走着了天津橋上胡孫之戲耳今承正
路發軔高才做理之教竊恐執事之以貌失子羽以言失

齊夫也

上閔倅

致駿

頃者奉拜頓覺一團和氣襲人如坐春風中也遽爾辭退
伏帳曷極夏未審初寒政體候萬康啓玟庭候粗保飲啄
隨分無非下庇收及顧此林樊讀書者不出俗擾場已有
年所雖無澹臺之操而未知公門之如何矣何幸承顏接
辭愛之教之顧此無狀何以得此心乎感佩靡日敢忘耳

上族兄春軒

啓泮

榮嶢奉話花樹盛事歸猶不怠居然獻發棣體候茂膺百
福啓玟痰崇闢發貼危者累矣今則稍効率亦無警幸也

譜事此正其時而生卒年號何以書之當用光武而所謂
認許雖曰忍憤是可忍乎且正名分爲譜規之第一事而
先世之二次蕩平至今以爲恥辱當此倫綱斁敗之時豈
可復蹈前轍洵淪無差別乎分任時爭相呼名不合者殆
多姑宜束置先拔鄙名以整其餘可也此中尚今寥寥設
始與否回示之若何

與崔上舍

永高

春間京館逢別殆若夢境懷仰靡日不切伏惟服中體度
護重瘳遑無斁生擬欲奔哭定山靈筵而痰喘數朔至五
月搭輪還巢迄未遂意悚歎奈何所呈晚圃公墓銘遜庵

公行狀及抵鄱中書三文字倘不見漏於先生稿中耶開
春奉此等文字上去爲計耳

與崔參奉

永祚

邦國殄瘁生民無祿先生奄忽殉國嗚乎痛矣先生之
道德節義足有辭於萬世雖海港峽陋愚夫愚婦莫不奔
走哭泣而况環東土縫掖之倫梁摧棟折痛何可言伏惟
至哀極恒孝體萬支啓致喘息姑保卽當奔哭之不後於
人而數年來家故鱗疊痰病纏身莫之遂誠是豈平日尊
慕之義乎去春京寓邂逅令從上舍兄聞先生文集將
待秋登梓果付手民而間已竣役耶鄙祖考晚圃公墓銘

先考遜菴公行狀及抵鄱中手札一度幸不漏於卷中耶
開春當綴數行文趨哭于靈几之下此姑不備疏禮

答李校理

種文

生在僻壤素乏見聞兼以書籍不廣未補桑榆之收爲恨
久矣自奉栗翁全書時時玩索其性理之至論經濟之大
計多發前賢所未發使讀者恍若披衿於光風霽月之間
也用是傾嚮於其嗣世之賢尤有信於平昔料櫟華緘忽
墜於千里之外兼貺以九曲圖曲曲披閱恍若陪杖屨而
入高山山中也西河之痛聖賢所不免何辭仰譬第伏審
服體衛重慰茲私仰生少無學問之工虛送光陰於翰墨

之場晚遊勉庵崔先生門未窺其涯涘而今焉所得者星
星而已奈何宋子文字今聞只刊其年譜其或財力之未
給工役之浩大而然歟爲之願聞九曲韻敢忘僭越謹次
以呈此是烏哢蟲音安足供一粲九曲圖有願奉者數人
合三件及年譜一帙以鄙名送付如何

答李校理

料表伏承惠函感敵對晤伏惟正元尊體茂膺新禧仰慰
且賀啓玟七旬之齒更添一歲而百無成就可愧也已宋
子年譜何等珍重而爲士子者奉冊之際豈有一毫輕慢
乎先此粟谷先生文集與屏風圖見書卽抵郵局與錢受

標奉歸而還年譜亦如此而尊閣案上時自披玩恍若朝
暮承誨也示中貴宗事之歸正聞不勝貢賀

與徐石齋

丙五

十數年前得見所稱徐石齋先生書畫於京館愛玩欽艷
不已思欲納交而嶺湖路遠未償願適遇貴邊李基采
甫問知先生筆力之老益適勁景仰之餘不任欣賀近構
一小亭於先山下與境內士友講磨吟嘯泉石之清幽花
卉之蔥蒨亦足爲暮年暢敘之資而所乏者扁額耳京鄉
間非無可求處而必欲借先生之手茲以書懇雖無籠鵠
之酬倘不靳一揮之勞也否望須隨便惠投以生草堂顏

色如何

答李博士

李魯

承讀直翰滿幅繾綣情溢于辭就中書話相逢廿載前天
上消息夢外來者寫出兩地情景若非膽犀相照則其何
能形容若是也藉審經體護旺遠慰區區弟直一棄物然
時或對案只披睡魔惱人了無分寸所得可愧可愧聞老
兄脫其吮墨之麻衣晚年之幸謂如何哉龜洞丈席曾有
復齋肇錫之教故敢作一詩以爲銘佩警省之資兄或賡
惠否迷兒不好紙筆淵明責子之詩真先獲我心者也一
往一復固不敢辭而如兄高明何須於土梗茅塞乎

答李博士

伏承惠書兼貺齋記盥讀數三感悚交摯此是勉庵先師
肇錫之名因箴以自警者而顧分太濫今此老兄之文掄
揚過實其於責善輔仁之道得無有歇后處耶真心字之
訛兒輩之代書於燈下因以致此而老昏不之察亦可愧
也鄙齋本韻錄呈幸或賡惠耶弟則素乏學問之功尤疎
於有韻之作然不可無木瓜之報故貴齋記與賡韻悉拙
構呈哂覽如何

與李博士

數年吟病遠近往復一切廢閣今才披閱故紙得左右之

曾以帶隱記及同樂亭詩俯囑於不佞之書而姑未奉副
誠極悚然茲敢忝拙構呈幸勿浚誅否伏惟北辰經體日
益增重弟當此頽齡只與二豎子相伴奈何近年使兒輩
築數椽亭於親塋下丹江上扁以詠歸以爲講學之所每
與多士及諸生行相飲禮設講帳以爲暮年嘯詠之計而
思得名碩詩文揭增山川之精彩兄須一試健筆俾生艸
堂顏色如何略言景槩則水石清爽松栢鬱翠有臺曰風
半有巖曰浴半傍有泉曰洗耳又有圓石半沉于江上可
坐十餘人名曰濯纓巖挹蒼翠俯漣漪足以供遊人風詠
之樂也亭額姑未揭特書以惠勿負平素相求之情千萬

千萬

與閔承旨

忠植

國哀普慟尚忍言哉參商落落音容久阻春間次兒憲奎
還始知先大人奄棄榮養尚未趨慰罪悚何極未審霜令
孝體何以支過生晦跡窮山苟全飲啄而草木之年遽爾
七旬竟失桑榆之收咄歎奈何秋間賁然之教庶或得御
竟孤所望尤切悵歎今送迷兒環奎姑爲搜候計萬萬姑
畱不備

與白六有齋

永直

年前惠翰滿幅衷曲實是頂門之針玩復再三感荷罔喻

所示窮字固是處世保家之要諦弟亦自處窮弱自期無
名猶不得免嘆如之何抑所反躬自省之有未盡耶貴從
致明來審道體之近新增衛實叶私禱弟畏寒縮頭只以
手卷爲睡媒何足奉浼杏園金郎之慘尚忍言哉其儀表
文藝如玉溫潤吾所鍾愛天何奪之速也森在眼眶不能
忘也去秋哭從弟孺遭此變拊心自掉而已賢胤安侍善
課否庶或一枉終孤所望抑以嚴課所致歟

與白六有齋

春間蕪函迄未承回教不勝訝菟伏惟清和經體增旺閣
儀均休啓玟搬移之初仍苦痰喘無足提溷貴齋盛會挽

近所罕有想多講磨之樂矣得英教育孟子有云君子三樂老來奚樂孰加於此哉每擬晉敘因病未果歎仰如之何

答李鳳谷

載升

賢胤袖致惠函實慰懷遜菴復齋兩記披玩再三感荷因喻所謂復齋者實分外之妄稱承此過獎自不覺顏駢貴先文蹟之失於兵燹誠可嘆惜弟雖無狀如有可徵之道則敢不盡率乎兄既有鄭重之教又此胤君專枉豈可以不文辭也依樣畫葫以呈而既又患之此果何等重事而實非愚昧之所可與議則不如更求巨匠令盡其法之

爲無悔也幸諒之也

與尹訥窩

滋鉉

臘前燕函倘免喬沉耶迄未承復紆菟殊潑春已殷矣夏
伏問經體衛旺仄聞間有鄙鄉之駕庶冀歷顧以敘十年
襮積而竟孤所望悵仰曷已先師集役今得就緒否鄙祖
考晚圃公墓銘先考遜庵公行狀及往復一度皆先師親
筆而見漏於校本云師門緊切莫若兄也兄若先入刊所
則另圖入編如何年前祭文及抵雲齋與上舍書兄或袖
去否亦望回示之耳

答尹訥窩

地纔二舍耗息貽阻遽經十霜忽承不較先施披玩再三
滿幅瓊琚獎借甚厚因知攸謂感荷之餘繼切悚仄每擬
一晉於墨池上挹得清香者久矣恒怯心事莫之遂意天
或借異日訪真之路耶弟之所工天津橋上胡孫之戲耳
豈不爲大德所棄耶所託文字竟至歸正曷勝感幸惟冀
經體衛重

與金道卿

漢教

奉敘殆不記其日月聲息之久阻此曷故焉寔由吾之先
修未能而况年前終制之失慰問亦是無緣不弔之一悔
也卽聞兄春秋間再作北軒之行而兩皆過門不入我室

不復集卷之一
十三
咎實在我復誰怨尤向也伴行之示掃榻者久而終無足
音悵鼓如何此謂責人則明恕諒可也謹詢至寒服體連
穆弟以痰喘龜縮可悶所呈若干字此是同庚之誼異於
他友欲做一場戲謔而發也當勿罪之矣

答李鍾霖

奉別頗久懷仰則濫料櫟承郵函欣瀉滿萬謹審潦炎起
止萬旺慰賀之至貴先祖益齋先生影閣今已奉真在人
猶欣况其雲仍乎來汝之教是出不退之盛眷敢不欲趨
走觀光乎樽俎之間哉巧值親忌未副盛教還切悚仄欣
喜之至不覺猥越構一小記奉呈適足爲覆瓿之資耳

與奇元庸

奉晤幾時殆乎相忘但不阻者心也每念賢者之朝出耕
夜歸讀服其養親之誠孝語必詳貌必恭嘆其接人之和
氣乃知靈芝醴泉自有根源也謹惟至寒侍餘經候珍衛
僕近以痰喘叫楚度夜良苦山中長夜近讀何書竊想不
以定省菽水而廢其所事矣

與李敬珍

教根

客歲奉候適因座擾未盡所蘊迄庸悵耿吾輩之杜門已
久矣人間何世都是不欲聞不欲觀之事而至若郡庠之
事豈可以越視秦瘠乎前任校員固有有鄉望者而穢瀆

無恥者在在相望可勝歎哉仄聞鄉論推老兄於首席而再三固辭云兄之爲己操心則容或然矣而士林之望恐不可孤且聖殿之任不與他同顧今禮壞樂崩之世實有存羊之心者莫吾兄若也幸勿固辭稍持風裁以副衆望人有自帝巖東南來者則先問魯溪老人安否兄亦如之老人之不忘老人可想也或有春間握手之梯耶豫切翹企

與李敬珍

滄桑一變萬紀隨顏環顧宇內不與羣鳥獸者幾希何幸淵壇之講會庶乎儒風復振如余老朽亦不勝欣抃也院

土之還本享儀之復設皆老兄血誠之致也攢賀不已然
凡事有始而鮮終想其善後之責兄自有成筭矣不須容
贅而淺料則待明春布告經題考定甲乙設榜施賞以做
一場勝會則一鄉皆知攸勸未知兄意以爲如何峭寒兄
候震艮連重弟孺見孫慘非衰齡可堪而運也奈何時染
之酷前古所無儕友姻戚之存沒漠然每晨夕馳念也月
前傳聞魯溪翁之無恙爲賀不已餘在開春一握

與文仁叔

朱夫子曰冠禮易行之禮而俗多不行可勝歎哉噫挽近
士夫家鮮有行之者而今於尊家見之豈不猗歟蓋此禮

自戒賓宿賓至兩階賓主揖讓進退折旋中規非徒鄉飲禮爲然酒清而不能飲肉乾而不能食者良有以也一獻之禮賓主百拜矣暇食飲哉將冠者雙紒出賓有揖拜之節賓是齒德之尊者將冠者雖重豈可拜於將冠之一小兒乎抑或唱芻之倉猝之際有誤耶余是未竊禮之糟粕者也雖然禮出於事理之當然本自有長幼之序以尊長者而拜將冠者則長幼之序失矣略考先賢禮論一無此等節其非可訝者耶顧余不德猥被見招辭不獲已乃參席末似是彼此相失吾輩間不可不一次相磨故略敘其槩更乞駁教也

答金忠汝

漢信

拜讀惠函已極感荷而况亭詩之惠投者乎披玩再三字若金石之鏗鏘而溪山增有光色但其贊揚過情實不敢當籍審北辰兄體護旺慰賀濫矣啓玟痰祟叫楚者有年而當暑彌留可悶可悶家兒今雖不染於新而其於溫故之學全然未洽歎如之何

答李斗永

夙仰聲光私心景慕料外大槪忽墜寂寞之濱且承栗谷全書之頒施感荷之至因知攸謝此全書中數卷啓玟少時親於人家未熟讀而還之至今爲恨今得尊閣案上可

以卒業何其幸也茲者印役雖出於慕先賢之誠其於牖
羣蒙之功亦豈少補云乎哉爲之攢賀不已啓玟年將七
旬眼霧手風全廢書卷者久自今不握衣而待栗翁於丌
右親炙薰德庶收桑榆之功也端此奉復藉頌經祺

答古邑宗中

黃花晚節懷想正苦惠緘忽墜於病枕不覺昔疾今瘳也
仍審僉候萬相致痰喘又肆日事刀圭良歎奈何平化祭
室一邑之中央而吾姓之共聚處也子孫瞻掃行人指點
莫若此重焉而長川則且妣位也子孫之所輕重在於何
處乎曩道善伐木時欲賣却材木故余書託于春軒兄及

雲汝以其材建築平化祭室則參軍公位古來壇亭處杏
院派亦無攜貳而尚無可否之答尚今歎惜也往事勿論
而今既決議重建則覆瓦勿論而制度亦非舊日狹小可
比此何等重事而一門聚議豈可塞責而止乎若復依舊
爲之則反不如隨朽隨補僅避風雨之爲愈也去月門會
時以此言之則反謂我沮壞故余無一言而歸詢議旣曰
不復贖派錢而用長川松竹價代之且以捐金言之則基
洞與丹山門中之貧窘者不足與此非余言也固山外諸
派之所同言者也山內已有預算則山外之人何可容喙
乎更爲諒處焉

答姜士性

料表得書若接清儀阻懷爲之豁然楸閣之落燕固知追
先裕後之謨有志竟成古之甄亭何以踰此不勝獻賀業
欲一晉登覽而承此來汝之教敢不翼如竟被二豎子之
魔違伸燕賀之誠祇有尻輪南馳而已

與李致慶

朱赫

孟子曰人之患在好爲人師韓文公云曰師曰弟子則羣
聚而笑之夫嫌人之患忌羣之笑而無先覺之覺後覺雖
有聰明才智之人其將於何考德於何就正乎自孔孟至
程朱皆以教人爲事因材而篤之育英而樂之斯文之不

墜於數千載之下者豈非賴師道存乎顧余鹵質素無親炙私淑之工不能爲爲己之學者況敢教人爲顧今洪水滔天蹄跡相交冥行摘埴無燭可導絃誦不聞倫綱斃絕師道之廢莫此時甚焉吁可歎也何幸左右崛起南服奮然向學涖洄洙泗之正脈游泳濂洛之真源自修之工日進未已無可論豈可獨善而不念後進之迷路近聞有遠近負笈者益進至於舍不能容此固儒者之一樂而師道之不廢亦可以卜實爲後進賀也惟冀教迪以方俾有實效

與李致慶

去冬玩山之行至牛山冒寒而別迄今始悵一自先公幽明之隔惟有高明之文學德義超凡拔類種種經過疑或相論過或相箴此是忘年之契非徒姻誼爲然也奈之何天理昏蝕不翼之禽不毛之獸舉世滔滔痛復何言晝宵思量每欲高舉遠遁而不可得也向憑南來客聞有搬移之舉信疑莫定兒還的知其有志者事竟成也此地爲數千年慳秘之處故老之所嘗說者也但所可念者田土未備人心未熟也雖曰君子謀道不謀食一日不再食則飢高明必預知矣不須更贅而愚意則分家人先入營農待秋圖之恐好一二舍之遷亦不可輕動況於三宿春之地

乎鄙族人致雲甫數十年前已爲僑居距不相遠須種種
追逐如何適彼樂土擇仁而處誠爲可賀若或有梯則膏
吾車秣吾馬從子徜徉于頭流白雲之間豈非一快活底
事耶

與李致慶

歲聿暮矣阻亦久矣白首懷人豈尋常比也恪詢寒沍待
經棣體湛樂玆半廢人有時看書適足爲媒睡良方歎如
之何貴新婦于歸初以雪天爲慮矣迨其日雪晴雲散無
擾利行無乃新人之賢淑溫和不天其有以佑之者歟空室
宜家之慶推可以卜爲之攢賀

與李德洪

相三

頓首言二霜之間存承斬齊之訃驚怛何可勝言知先府
小基遽臨哀痛奈何罔極奈何伏望節哀從制以體慈念
啓玟門衰祿薄遽作四窮之首存見孫憾何天之降禍如
此酷耶自嘆老而不死增此惡緒也奉呈賻物雖曰專足
未免些略愧赧何言

與李相三

居雖遠矣心則不遐悵仰之懷靡日不切向見文友孝元
槩披多少欣釋無此謹詢秋高靖中做履貞吉啓玟與病
爲隣常欲趨慰而未遂奈何月初得丈夫孫衰年慶幸孰

加於此乎語失先後先府君終暮在卽至孝追感想復如
新矣何以堪抑耶次兒率故違參奉悶今年兩潦乖宜早
稻至於難求其種貴處果何如耶

與族弟昌汝

啓文

書替情話花樹之誼溢於辭表雖拱尺之璧不足比也承
認比來慎節奏和慰涕無數墳菴事不量力至於伐材欲
罷不能有始無終恐被他人嘲笑也煙霞洞墳庵非一二
人所可輕議僉意如何吾之所料平化茶磴一門瞻仰之
地且五派子孫其麗不少不爲也非不能也吾已發論而
古邑門議以重大難致皆爲推托長川平化均是考妣位

則尊慕之有差等何若是甚耶咄嘆不已吾門大小事專恃賢從之恢恢遊刃幸勿爲他手所奪也如吾非其人且遠莫致之况老且病乎竹川壇享果利行耶年前吾忝有司之名以病替弟至今悚歎次胤買屋真喜消息也

與白明仲

良寅

阻闕經歲瞻想倍切卽詢新元棣履湛樂啓玆近以痰喘幾危僅甦渾頭星星更無餘黑又添一齒謾使屠蘇遲到手可呵搬移信然耶現居之稍可容膝是繇先公勤苦以得之繼志述事乃可謂孝而今忽棄先人之廬舍未可謂繼述之道若曰將以求嗣則是有命焉非人力之所可如

何且由來田土足以奉香火資糊口而今忽遷動幾何其
不隨手耗散耶聞不勝駭然略布愚衷若有移居得嗣之
望則換居本村親族中一屋子恐未爲不可濺諒之

與白明中

君之搬移有所可喜者一可慮者一新寓之基址素稱南
省名地遠近之流涎者多而君幸得之固將享未艾之福
此可喜者僑居之初無寸尺土可耕經濟爲艱况此村無
異城市俗尚豪俠年少輩易爲蹉跌此可慮者也然新移
之初信義孚于隣里影從響應理所必然也君非不知此
而泚筆及之勿以鄙語棄之卽惟歲色如紗待棣日益佳

勝啓玟以痰崇怯寒龜縮餘何足以於愛我者道也惟冀
迓新膺祉

與魏乃範

鴻權

此年學半之工乃爲士者溫知之良方也余雖愚魯自中
年來擬構數間茅屋與儕友講習集聰俊尋數者久矣星
星之髮遽作七旬翁中夜思之只自咄歎每有往參講論
之意而未免塵擾兼以痰喘未果奈何恪詢冬雨失節數
體衛重寒相關之可也俯示瓊什忽使老頰生香而研下
諸少之鳥習蛾述頗多進就之望學問之力果不可誣也
斤正之教非老耗所敢當而才一披不覺毫舞墨蹈妄下

圈點仍步其韻賡呈可供一哂否

與金正良

基權

人生世間惟壽爲難華三之首箕五之一良有以也然則
六一之壽亦可祝而可賀也但可祝可賀之壽世有幾人
乎哉其或父母俱存兄弟無故妻子好合與或德望超世
喫着無憂身體康強者乃可爲矣目今頽俗雖無一於此
者自以爲慶置酒張樂招邀其姻親朋交終日讌樂又從
以求人之詩若文欲壽其不可壽之壽者滔滔皆是可勝
歎哉兄則不然堂有老萱無恙庭有三蘭供孝床有三棣
湛樂室有一琴偕和望重鄉里耕有郭田身且康寧無一

不備真可祝而可賀也其視自慶其壽者不可同日而語也況兄非自慶肖子令孫之殫誠而飾喜者乎柏悅之情卽當不待速而腰笛趨晉以南飛一曲奉祝岡陵而況有來汝之教而并闕介甫之祝承此無復之誚悚仄甚矣雖屬過境當日參座諸彥所唱和五箇字忌拙構呈烏可贖前罪耶

與族弟和卿

啓芳

阻閔甚幾乎忘面令從咸洛範來槩摻近况慰當合席以諳靜體衛重實副所仰族從杜門終日無可與語而所親者二豎子而已花雲洞祭田幸賴賢者之周旋終爲歸正

欲以書賀尚無前書之答故姑爲畱置今聞士斗來往于貴坊而吾則全然不知究其裏許則必有野心而然矣吾門事不可向人說話可愧可愧

與族弟雲汝

啓龍

客冬茶燈敘話眞花樹勝事迄今餘歡今已獻發夏間此時棣體湛樂玟痰崇闢發貼危者數而今則少可幸也譜事當此屋社之時序昭穆明宗支乃急先務而生卒年號當以光武書之但認許云云是可忍乎寧可不譜決不欲含忍正名分乃譜規之大關鍵先世之二回蕩平至今痛恨彼將曰先父兄已定之規何可改正乎而此則不然先

父兄之當改未改而今又因循則終無可改之日此不思之甚也賢意以爲若何餘在面晤

與安吉重

向也滯雨亭上聯宵娓娓稍慰積懷而遽爾分張茹悵尚切夏詢仲秋經體貞吉涕仰無斃號說何等珍重而誤託於非其人耶顧此鹵莽者固不敢下手其在平日相孚之誼豈敢辭諸茲構數語要金君星奎袖納覽夏示其利病亦切磨之一事也

與李允亨

碩雨

古之國亡而罹其不測之變者何限而或於人望之素重

者義氣之表著者是已如弟則窮居林下不齒於士君子之列久矣粹爲蟲鼠輩所拘引遭此戮辱肉戰骨酸尚何可言雖屬過境餘憤紉中方其初繫也余乃高聲大罵曰削髮本非我邦之制而我人之惜髮重於生命汝等何敢加刀於我頭乎噫早知有此變不如自裁完而歸見先人之爲愈也不宣

答李鼎根

夏間柱臨獲拜童顏鶴髮恍若神仙中人數宵聯榻亦一奇緣遽爾判袂悵黯益切料外承此惠訊兼以瓊什盥露奉讀恰似獲驪珠摘鳳藻也感荷之餘繼切惶汗藉審至

沅靜養體候衛道萬謚慰賀區區弟痰祟觸寒擁衾度了
私悶素無詩律之工而有此蓮堂韻賡和之教不敢固辭
構拙以呈斤正如何

答高定欽

一埃之地尚稽趨唁豈可曰人事乎前書未復內切自訟
今承不較先槭又惠裏藥受焉多感不能名喻憑審侍奠
學履支將老損每患痰潮當暑尤飭委頓床褥實廢置中
一物也仄聞近從事於杏林此誠好事賢於此術造詣非
不精濶而本業則不離於詩禮也士者當憂道不憂貧賢
豈爲貧故而出腳於市中哉或有外譏但內省不疚而已

愛之以德偶及於此

與李戚聖雲

德明

聯棣而來聯鑣而去返駕無擾否先王考晦窩公孝行非
渙劣者所敢發揮既有鄭重之託擬欲奉副而近苦齒痛
不能濡毫悚悶極矣稍竣神精少聚塗鴉以呈矣月山揆
景在念者久矣此年病腳坦路亦難而况屢巉巖披蒙茸
踞虎豹騰蛟龍者乎悵歎而已

答曹明裕

東承

魏匡植金贊榮

王慶

杜門養拙阻閱經歲料櫟先施感荷極矣書後歲換更惟
僉侍饒迓百福六有集鉁梓甚善甚善若非一二君子周

旋出義則豈能容易圖此耶卽當躬往面賀久蟄之脚粹
難跋涉悚縮而已跋文非碩德巨匠不可以揄揚其德美
之萬一而余旣非其人且閣筆硯已久然難孤僉賢之勤
意構草以呈更謁巨一筆以爲百世不朽之圖如何他不
繡縷

答李亨魯

敦根

承接惠緘滿幅辭意珍重淵深可知其庭訓之不可誣也
妙齡奇才正路發軔甘白之資豈無所受爲之歎賞不已
抑有一說焉文是貫道之器也如欲學文則必先以修身
爲本而推之國家是根乃本做工處也况今天壤崩塌所

謂儒者零落甚矣世無其人鞭策韁勒於何可得志道者
當韜晦林樊獨善其身此爲第一良策如吾素昧見識今
又老且病擬收桑榆之景一點殘燭乍明乍暗歎如之何
惟冀重省餘經履珍勝

寄長兒璟奎

汝慈來槩掇多少稍慰汝弟之病初五日如有動靜今則
停藥死中得生吾家大慶婦阿順婉耶順婉爲第一璋與
瓦不須論也近日看何冊耶大抵學問非別件物事存心
玩理守孟子勿忘勿助之訓免致躐等之患可也清晨早
起誦遍敬齋箴擊蒙要訣庸學等書中切近身心者孜孜

不已則將有向上之日豈可因徇退托以陷於暴棄乎吾
家素以文獻見稱於南省而今則汝等之急情如此此乃
父之晝宵澁憂者也勉旃勉旃

復齋集卷之二

復齋集卷之二



